

SHIIVA EFINAMHANGO!



OREPUBLIKA YANAMIBIA • MAALITSA 1990



Legal Assistance Centre

EPANDULOTUMBALEKO

Okambo aka oka pandulilwa kwaaveshe ovo va longa opo efinamhang laNamibia li uye po, sha pitila melitulemo lavo, nomeliyambo opo pe etwe Namibia la manguluka le lifikamena noli na oudemokoli.

OMADIMBULUKOFIMANEKO

Okambo aka okwa nyolwa unene kuDianne Hubbard, ta vatelwa kovanambelelwa vamwe vokoLegal Assistance Centre. Oyuulikomwa oya ningwa kuDudley Viall noka tulwa melandulafano kuPerri Caplan.

Olweefo lotete lokambo aka ola ningilwe mo-1990 noimaliwa yoLegal Assistance Centre nosho yo Ehangano leengeleka (Council of Churches in Namibia). Okambo oka etwa nee pondodo onhivali ndee taka nyanyangidwa vali mo-2015 noimaliwa ya dja koParliamentary Support Project. Modula 2018 okambo aka kali ka shunwa monima na op nee 2019 okanyanyangidwa vali nekwafo loshimaliwa shadja Hanns Seidel Foundation.

Okambo aka okaxupi lela nokapu nokuuda ko opo ka wapalele ovanhu aveshe noku shi ninga shipu oku ka toloka momalaka mahapu aNamibia.

Okambo aka oka li nale ke li momalaka ngaashi
Oshiingilisha, Oshimbulu, Otjiherero noRukwangali.

Oshikando shotete okali ka nyanyangidwa koNamib graphics modula yo 1990 nolutivali eshi kawedelwa omauyelele oka kanyanyangidwa kehangano loJohn Meinert Printing (Pty) Ltd, 2019.

ENGONGO LEFINAMHANGO LANAMIBIA

*Okambo aka oko engongo loitukulwa imwe ya
fimana yEfinamhango laNamibia. Inaka kwatela
mo oitukulwa aishe yEfinamhango.*

Efinamhango olo oveta yakula moNamibia. Eshi otashi ti kutya eeveta dikwao moNamibia odi na okulandula eshi shi li mEfinamhango eli. Kape na nande omunhu a pitikwa okuninga nai oufemba oo wa amenenewa po kEfinamhango eli.

Efinamhango ola tameka netwalemo olo tali fatulula kutya omolwashike Efinamhango la fimana. Efinamhango otali amenene po omauwa aeshe a etwa po kefindano lekondjifo lokatongotongo, oukwamunghoko nosho yo oukolonyeki. Otali amenene po ounhu womunhu nosho yo oufemba wopetindi wovanhu aveshe, omo mwa kwatelwa oufemba wokukala nomwenyo, emanguluko, nosho yo oufemba wokuhafa. Ovanamibia aveshe paife ove na oufemba u fike pamwe, nopehe na okudengela odi peisho. Eamenenepo loufemba wovanhu kefinamhango ola pumbiwa omolwemanguluko, ouyuuki nosho yo ombili moNamibia.

Efinamhango otali ti kutya ovaNamibia ove litula mo mediminafanepo lopashiwana, ombili, oukumwe nosho yo elineekelafano koshiwana shaNamibia. Otali xwaxwameke yoo eenghedi douyuuki, emanguluko, oufikepamwe nosho yo oukumwe womomindingonoko.





OUDEMOKOLI NESHIKULO LOVETA

ORepublika yaNamibia oye lifikamena, i na oudemokoli, oshiwana sha hangana she likwatelela moudemokoli, eshikuloveta nouyuuki waaveshe.

Eshikulo loveta otashi ti keshe umwe oku na okufimaneka oveta, naavo ve li meenghatu deenghono. Ovanhu ova longifa nee eenghono edi tashi pitile mokuhoolola paudemokoli ovakelelipo vavo kepangelo.

OITAI ITATU YEPANGELO

Ope na oitai itatu yepangelo:

- Oshitaiendifi shoilonga yepangelo netulomoilonga leevela (Omupreside, Omupedupreside nosho yo oKabinet)
- Oshitai oshitotiveta (oparlamente)
- Oshitaidiininifiveta (eemhangulilo)

Eenghono depangelo oda topolwa moutai oo utatu opo eenghono dalo diha kale momake oshitai shimwe ashike. Eshi ohashi vatele opo paha kale nande omunhu umwe ile oshiputudilo shimwe shi na eenghono da pitilila. Ohashi vatele yoo okukelela elongifonai leenghono depangelo.





**EPANGELO LOVANHU LA
HOOLOLWA KOVANHU**



ELAKA

Elaka lopambelelwa laNamibia olo Oshiingilisha. Kakele, eefikola oda pitikwa okulongifa omalaka amwe po apa tashi vatele okunghonopaleka ehongo lovahongwa. Omutumba wopashiwana nao owa pitifa eeveta tadi pitike ovanambelewa vepangelo nosho yo eemhangulilo moitopolowa ya yooloka yaNamibia opo i longife omalaka oo haa popiwa kovanhu vahapu moitopolwa oyo.

OUKWASHIWANA

Ovanhu ava tava shikula apa ovakwashiwana vaNamibia:

- Omunhu a dalelwa moNamibia kuxe ile ina Omunamibia ile kuumwe womovadali vaye ehe shi Omunamibia kakele oha kala moNamibia.
- Omunhu a dalelwa pondje yaNamibia kuxe ile ina womuNamibia, ngeenge oveta i na sha nomalishangifo oukwashiwana woludi eli owa landulwa.
- Omunhu a hombolwa pehe na oikengelela komukwashiwana waNamibia (mohombo yopambelewa ile yopamuwyuululwakalo) ndele omuhombolwa oo okwa kala mo moNamibia eedula di li lowopomulongo konima eshi va hombola nomuNamibia oo.
- Omunhu a kala moNamibia moule wefimbo leedula 10 nokwa wanifa po oinakuwanifwa ya ufwu koveta i na sha noukwashiwana woludi olo.



EKANKAMENO LOMAUFEMBA WOMUNHU NOMAMANGULUKO

Etindi lomaufemba womunhu nomamanguluko oo maufemba oo a fimana neenghono adishe moshiwana shoudemokoli. Etindi lomaufemba womunhu nomamanguluko oya amenenenwa po kEfinamhangano noi na okufimanekwa koitai ashike yepangelo nosho yo kovanambelewa vepangelo pamwe yo novanhu aveshe moNamibia. Eemhangulilo odi na oshinakuwanifwa shokudiininifa omaufemba aa.

OUFEMBA WOKUKALA NOMWENYO (Oshitokolifo 6)

Ovanhu aveshe ove na oufemba wokukala nomwenyo. Ehandukilodipao itali dulu vali okulongifwa moNamibia, kasha na nee mbudi kutya omunhu okwa nyona shi fike peni.

OUFEMBA WEMANGULUKO (Oshitokolifo 7)

Emanguluko osho oufemba wokukala wa manguluka. Hamunhu nande-nande ta dulu okukufa po emanguluko lamukwao, shapo ongeenge ashike tashi ningwa pamulandu woveta. Eshi otashi ti kutya, oveta oi na okushikulwa ngeenge omunhu a kwatwa po. Eamenenepo eli ohali vatele opo ku kwashilipalekwe kutya omakwatepo ovanhu itaa longifwa pambambo molwa ouwa wopaumwene ile molwa omatomhelo opapolitika.

EFIMANEKO LODILO YOMUNHU (Oshitokolifo 8)

Odilo yomunhu keshe oi na okufimanekwa. Eshi otashi ti kutya omalutu aeshe epangelo nosho yo eemhangulilo oku na okuungaunga novanhu nefimaneko lounhu wavo.

ETINDI LOUFEMBA WOMUNHU NOMAMANGULUKO



Kape na nande omunhu ta dulu okuhepekwa ile a handukilwe nonyanya ile momukalo wokushundula, kutya nee omunhu oo okwa nyona shi fike peni.

OUPIKA NEFININIKO LOILONGA (Oshitokolifo 9)

Oupika nefininiko loilonga inai pitikikwa moNamibia. Ashike omulandu-veta ou inau kwatela mo oilonga oyo yandjwa komhangu (shaashi oilonga oyo oyo ehandu molwa ekaulonyanga lomunhu oo) ile ngee oilonga i shi okuudika ko tai longwa ongoshitukulwa shoilonga yopashiwana.

OUFIKEPAMWE NEMANGULUKO KOLIWA OSHIPUNGO (Oshitokolifo 10)

Ovanhu aveshe ove fike pamwe komesho yoveta.

Kape na omunhu nande ta dulu okuliwa oshipungo molwonghalo you-kashikekookanhu, oukwamunghoko, oluvala, onduko yaye, eitavelo, omufika waye wopamakwatafano ile opamaliko moshiwana.

OKUKWATWA NOKWIIDILILWA MODOLONGO (Oshitokolifo 11)

Kape na omunhu ta dulu okukwatwa po ile a idililwe modolongo shapo ongeenge ashike pe na etomheno lopauyuki na omilandu di li mondjila dopaveta odi na okushikulwa opo omunhu a kwatwe ile a idililwe modolongo.

Kukeshe omunhu ngeenge a kwatwa oku na okulombwelwa melaka olo ye ha udu ko nawa kutya etomeheno olashike tali mu kватifa.

Keshe omunhu ngeenge a kwatwa oku na okutwalwa komesho yamag-estrata ile omupanguli meni leevili 48 eshi a kwatwa ile nokuli divadiva ngaashi tashi dulika. Eshi otashi yandje omhito kunakukwatwa opo a

pule eefelo lokulifutila mo ile a lombwele mangestrata ile omupanguli shi na sha neyakulo lii olo ta ningilwa manga e li a kватwa ile a idil-ilwa mondolongo.

EPANGULO LI NA OUYUKI (Oshitokolifo 12)

Keshe omunhu ou ta tamanekwa molwa ekaulonyanga oku na oufemba wokupangula pauyuki momanguko ihe na lwaamambinga. Omhangu ihe na lwaamambinga itai dulu okulombwelwa I tokole nande okulyelye, kutya nee okomunambelwa wepanjelo ile omupresidende. Omhangu ihe na olwaamambinga itai kwatakanifa etokolo laye kumwe nomunghoko, oukashikekookanhu, onduko, ile eitavelo lopapolitika lomutamanekwa. Ohai tale ashike komaumbangi e na sha noshikoya noveta yoo vene eshi tai ti.

Omapangulo aeshe oku na okuningwa meni lefimbo li shi kuudika ko. Nongeenge ope na ekatako lihe shi kuudika ko, omutamanekwa oo inamu mangululwa natango palifutilemo oku na okumangululwa.

Eemhangulilo odi na okuyakula ovanhu aveshe tava tamanekwa oikulumuna onga vehe na ondjo fiyo oshesi sha yelekwa komhangu kutya ovanhu va tya ngaho ove na shili ondjo, konima eshi va peva omhito ya wana opo va yandje yoo ehokololo kombinga yavo vene. Ovatamanekwa voimbuluma ove na oufemba wokumona ekwafo kovashiiviveta ovo ve va hoolola voo vene opo ve va popile shi na sha nomatamaneko avo. Kape na omhunu ta fiminikwa a yandje oumbangi u li omhinge navo vene ile u li omhinge novashamane vavo ile ovakulukadi vavo (mohombo yopambelewa ile yopamishuululwakalo).

Kape na omunhu ta dulu okupangulwa shi dulife pulumwe moshibuluma shimwe ashike. Kape na yo omunhu ta dulu okupangulilwa oshinima eshi ninga manga shihe li etimba ndee osha ka ninga ashike etimba konima yefimbo.

OINIMA YOPAUMWENE (Oshitokolifo 13)

Ovanhu aveshe ove na oufemba voiholekwa yavo momaumbo avo. Epangelo kali na oufemba wokupatulula eembapila davo ile okupwilikina eenghundafana davo dopaengodi. Kakele, otapa dulu okukala pe na eemhito apa oveta ei ya pitikwa ngeenge okupatulula nokupwilikina eengodi dovanhu oshi na sha neeameno loshiwana.

Ngeenge opolifi ile ovanambelewa vamwe va ufw a ova hala okuhada omunhu ile eumbo, ove na okumona epitiko lomhangu, ile va landule omilandu dopaveta peemhito edi ehado li na okuningwa noinapu ongaongwa.

OFAMILI (Oshitokolifo 14)

Ovakulunhu aveshe ovalumenhu nosho yo ovakainhu ove na oufemba wokuhombola nokutota eefamili davo, kape na nee kutya ovoming-hoko dilipi, ove na omaluvala a tya ngahelipi, onduko yavo oilipi, oukwashiwana wavo, eitavelo lavo, osho yo omifika davo domakwata-fano nosho yo opaliko. Ovalumhenu novakainhu ove na okukala ve na oufemba oufikepamwe mee hombo nosho yo ngeenge tava xulifa po eehombo davo tashi pitile mehengafano ile mefyo.

Ovanhu itava dulu okufininikwa va hombole shihe li pahalo lavo. Eshi osha kwatela mo ovalumenhu novakainhu.

Ofamili oyo ongudu yopetameko yovakwashiwana, noi na okuamenenwa po koshiwana nosho yo kepangelo.

OMAUFEMBA OUNONA (Oshitokolifo 15)

Ounona aveshe ove na oufemba wokumona omadina nosho yo oukwashiwana okudja pomadal avo. Ove na yoo oufemba wokushiiva



ovakulunhu vavo nokufilwa oshisho kovakulunhu vavo nonande eeveta da pitikwa oku amenena po ouwa wokaana ohadi dulu okungabeka oufemba ou ngeenge sha pumbiwa.

Ounona ove na okuamenwa kombinga yemonifo loixuna i na sha nom-aliko. Ounona veedula di li koshi- 16 itava dulu okulonga oilonga ya nyika oshiponga koukolele wayo ile exumokomesho lavo, ile oilonga oyo tai i moshipala ehongo lavo. Ounona veedula di li koshi yo-14 itava dulu okulonga mofabulika ile momina, shapo ongeenge oilonga ei tai shikula omilandu da pitifwa moveta ya pitila momotumba wopashipawana oku va amenene po.

Kape na nande omunafalama ile omuyandi woilonga ta dulu okufininika ounona va longa molwaashi ashike ovakulunhu vounona ovo have mu longele.

Inashi pitikwa nande okuidilila ounona veedula di li koshi yeedula 16 shili.

ELIKO (Oshitokolifo 16)

Ovanhu aveshe ove na oufemba okukala ve na edu nosho yo oiniwe imwe keshe apa moNamibia.

Epangelo nosho yo omahangano amwe otaa dulu okukufa po oiniwe yopaumwene opo molwa ouwa woshiwana, shamha ashike tava futu mwene woiniwe ofuto oyo ya yeleka oiniwe oyo tuu oyo ngaashi sha ufwu moveta oyo ya pitifiwa komutumba wopashiwana molwa Oshitokolifo eshi.

OINYANGADALWA YOPOLITIKA (Oshitokolifo 17)

Ovanamibia aveshe ove na oufemba wokukufa ombinga moinyangadalwa yombili yopapolitika. Ove na oufemba wokoninga oilyo yeengudu odo di li po nale dopapolitika ile okutota eengudu dipe dopapolitika.

Ovakwashiwana aveshe ove na oufemba wokukufa ombinga moinima ya pamba oinima yoshiwana, ngee omokukala ve na oinakuwanifa yopambelelwa voo vene ile mokuhoolola ovakalelipo vavo kepangelo.



OVAKAINHU NOVALUMENHU



OVE FIKE PAMWE

Keshe omukwashiwana oo e na eedula okudja po-18 ota dulu okuhoolola. Omukwashiwana keshe e na eedula okudja 21 ota dulu okuhoololwa nokupewa oinakuwanifwa yopambelewa.

OUYUKI MEPANGELO (Oshitokolifo 18)

Keshe omunambelewa wepangelo ile ongudu yovanaveta oi na okulonga paubyuki nosho yo ngaashi tashi dulika nokulandula oveta. Ovanhu ovo wete kutya ova fa inava yakulwa paubyuki ketokolo lepangelo otava dulu okuya keemhangulilo opo va ka mone ekwafo.

EENGHULUNGHEDI (Oshitokolifo 19)

Ovanhu aveshe ove na oufemba wokutyapula nokulongifa eenghulunghedi davo, elaka lavo, omifyuululwakalo davo, nomaitavelo avo, ashike kape na ou e na oufemba wokulongifa oufemba ou pamukalo ou tau piyaaneke oufemba wavakwao ile tau piyaaneke ouwa woshiwana shaNamibia.

EHONGO (Oshitokolifo 20)

Ovanhu aveshe moNamibia ove na oufemba wokumona ehongo. Ehongo londodo yopetameko oli na okukala loshali meefikola adishe depangelo, nounona aveshe ove na okuya kofikola fiyo va mana ko ehongo olo londodo yopetameko ile fiyo osheshi va wanifa eedula 16.

OMAKANGHAMENO OMAMANGULUKO (Oshitokolifo 21)

Ovanhu aveshe ove na omaufemba:

- Emanguluko lokupopya nokuholola omadiladilo avo**

Ou oo oufemba wovanhu aveshe mokupopya va manguluka, nande otava pe epangelo oushima ile tava holola omadilaadilo avo oo a fa inaa hokiwa. Osha kwatela mo yo oikundaneki (oifokundaneki, eeradio nosho yo oradio yomudidimbe) nosho yo oikundaneki imwe (omo mwa

kwatelwa omakwatafano opaungoba). Emanguluko lokupopya otali kwashilipaleke kutya oinima ei ya fimana otai dulu okukundafanwa memanguluko nokutuwa eemhata kovaNamibia aveshe.

- **Emanguluko lomadiladilo, omaliudo neitavelo**

Eshi otashi ti kutya ovanhu aveshe ova manguluka okudilaadila nokuitavela keshe eshi va hala, shama ashike itava piyaaneke oufemba wavakwao. Emanguluko eli ola kwatela mo emanguluko lopahongo moiputudilo yopombada lela.

- **Emanguluko lokukala meitavelo keshe**

Epangelo itali dulu nande okungabeka eitavelo nande olimwe. Ovanhu aveshe ova manguluka okufimaneka omaitavelo avo ngaashi voo va hala.

- **Emanguluko lokuninga oyoongalele yopambili**

Ovanhu ova manguluka okuongala momitumba, shama ashike tave shi ningi pambili na inava umbata oilwifo.

OMAKANGHAMENO OMAMANGULUKO

EMANGULUKO LOKUPOPYA NOKUHOLOLA OMADILADILLO AVO
EMANGULUKO LOKUKALA MEITAVELO KESHE
EMANGULUKO LOKULUNGANEKA MEENGUDU
EMANGULUKO LOKUNINGA OYOONGALELE YOPAMBILI
OFEMBA WOKWAANYA OKUYA KOILONGA
OUFEMBA OKULONGA OILONGA YOLUDI KESHE
OUFEMBA WOKU LINYENGA MEMANGULUKO MONAMIBIA
OUFEMBA WOKUKALA MOSHITOPOLWA KESHE MONAMIBIA
OUFEMBA WOKUFIYA PO NOKUALUKILA MONAMIBIA



- **Emanguluko lokuliunganeka meengudu**

Emanguluko eli olukuhangana pamwe novanhu vakwao molwa omatomhelo a pitikwa paveta. Emanguluko eli otali amenene po oufemba wokutameka eengudu ngaashi omahangano ovานailonga nosho yo eengudu dopapolitika.

- **Ofemba wokwaanya okuya koilonga**

Ovanailonga ove na oufemba wokuyamekangha lokwaanya okuya koilonga. Eeveta otashi dulika di tule po omilandu ndi na sha noma-kangha, shama ashike omilandu odo itadi ningi omakangha a kale ehe li paveta.

- **Oufemba woku linyenga memanguluko moNamibia**

Kape na nande omunhu ta dulu okufinikwa a kale ashike moshitukulwa shimwe moNamibia. Keshe umwe okwa manguluka okuya koitukulwa aishe moNamibia.

- **Oufemba wokukala moshitopolwa keshe moNamibia**

Kape na nande oshitukulwa shimwe moNamibia sha pakulilwa ashike ovanhu vomunghoko umwe.

- **Oufemba wokufiya po nokualukila moNamibia**

Ovakwashiwana ovanamibia aveshe ove na oufemba wokumona opassport yaNamibia nokutalela po oilongo yopondje.

- **Oufemba okulonga oilonga yoludi keshe**

Oilonga aishe oya mangulukila keshe omunhu ou e na eshiivo nounongo wa pumbiwa nopehe na okudengela odi peisho shihe na ouyuuki.

Omutumba wopashiwana otau dulu okuninga eeveta nghee omaufemba aa e na okulongifwa, ndele itau dulu nande okukufa po umwe woomomaufemba aa.

OKATONGOTONGO NOUFIKEPAMWE MOILONGA

(Oshitokolifo 23)

Omukalo wokuliwa oshipungo nomadiladilo okatongotongo, oo ka kala taka hepeke ovanhu vahapu muNamibia efimbo lile, owa kelelwa paVeta yOpaliamende, onghee omalongifo oinima ya tya ngaha nomapopilo ayo, otaa talwa oukolokoshi nomakwakuhandukilwa mEemhangu, taa handukilwa nehandu olo Ia talwa kOpaliamende la yukila ko.

Opaliamende otai dulu yoo okupitifa eeveta tadi yandje omakwafo a sheywa kovanhu ovo va ka lala nale nokuningwa okatongotongo. Omilandu depangelo nosho yo oinyangadalwa yalo otai dulu yoo okuke-ndabala okulalakanifa nokuhanauna po okatangongotongo konale. Vali epangelo otali dulu yoo okukufa eenghatu mokukwashilipaleka kutya oilonga yalo, mwa kwatelwa eenghatu doilonga metanga leameno oya lalakanifwa. (Eshi otashi ti eemhito neenghatu doilonga kadi na ashike ovatilyane, ndee odi na yoo ominghoko dimwe di lili noku lili osho yo ovalumenhu novakainhu.

Efinamhango otali ulike kutya ovakainhu ova mona oixuna ya sheywa mepitafimbo. Onghee otali ti opaliamende otai dulu okukufa eenghatu da nyaa keonga, opo di dule okuvatela ovakainhu va dane onghandangala youfikepamwe mukeshe oshitukulwa shonghalamwenyo moNamibia.

EFINDILEMO LOMAKANGHAMENO WOMAUFEMBA

NOMAMANGULUKO (Oshitokolifo 25)

Kape na nande omunhu e na oufemba wokukufa po etindi loufemba nomamanguluko lamukwao, hamuleli wopamufyuululwakalo, hamu-nambelewa wepangelo, hapaliamende nomupresidende naye ke na oufemba woku shi ninga.

Ovanhu ovo ve udite kutya ope na ovanhu vamwe tava piyaaneke oufemba wavo, otava dulu okukonga omakwafo komhangu opo i

va popile. Omhangu otai dulu okuyadja elombwelo li amenene po oufemba wavo. Omhangu otai dulu yoo okutokola kutya oveta ei kai li vali moilonga, shaashi otai patakanifa Efinamhango, ile i yandje elombwelo kopaliameende opo i wapalake epuko olo la monika moveta moule wefimbo lonhumba. Omhangu otai dulu yoo okutokola opo ovanhu ava ve na oufemba wavo wa ningwa nai va futilwe oimwaliwa molwa oufemba wavo oo wa ningwa nai. (Didilika kutya omhangu ashike yopombada naai ya shiya ko lela meemhangu adishe hai dulu okupwiikina omapulo e na sha nefinamhango lohilongo).

Ovanhu otava dulu yoo okumona ekwafo lokwaamena po ekanghameno loufemba nomamanguluko avo okudja komunambelewa wepangelo oo hau ufanwa Ombudsman. Ombudsman oye ohahende ile omupanguli a hoololwa komupresidende opo a kalele elongifonai leenghono kepan-gelo, nokuvatela okuamena po ekanghameno loufemba nomamangu-luko omunhu keshe moNamibia.



ONGHALO YOPAULUMOMUMBWE

Ngeenge ope na onghalo oyo ta tulifa onghalo yoshiwana, ile ekalepo lefinamhango ile epangelo, nena omupresidende ota dulu okuyandja eufomango longhalo yopaulumomumbwe.

Etokolo eli oli na okukolekwa komutuma wopashiwana.

Pefimbo nee olo longhalo yopaulumomumbwe, ovanhu ovo ve na eedula okudja po-16 otava dulu okuidililwa meedolongo nopehe na epangulo, kakele efinamhango otali yandje eameno lovanhu ovo va idililwa meedolongo pefimobo longhalo yopaulumomumbwe. Omupresidende okwa pitikwa okukufa po omaufemba nomamanguluko amwe omakanghameno pefimbo longhalo yopaulumomumbwe, kakele ope na omaufemba amwe oo itaa dulu nande oku a kuma, ngaashi oufemba wokukala nomwenyo, oufemba wounhu womunhu, oufemba woufikepamwe, oufemba wepangulo lopauyuki, oufemba wokupopya nokudilaadila, oufemba wokuhangana nosho yo oufemba wokukwata-fana novayandimayele vopaveta osho yo eemhangulilo.

OSHITAI ENDIFI SHOILONGA YPEPANGELO

Omupresidende

Ovanamibia aveshe ve li meedula da ufwu okuholola ohava hoolola omupresidende va ukilila. Eshi otashi ti kutya ovahoololi ohava hoolola voo vene omunhu ou va hala a ninge omupresidende, ponhele yokuhoolola ongudu yopapolitika. Omunhu oku na okumona etata lomawi oo a hoolola momahoololo oupresidende opo nawa a ninge omupresidende.

EPANGELO

OSHI TAI TOTI VETA

OSHI TA IENDIFI
SHOI LONGA YEPANGELO

OSHI TAIDI ININI FI VETA

OMUTUMBA
WOPASHIWANA

OLAATA
YOPASHIWANA

OMUPRESIDENDE

OMINISTA
ONGHULUNHU

OKABINETE

OMAUMINISTELI

OMHANGU YO
POMBADA MBADA

OMHANGU YO
POMBADA

OMHANGU
YO PEDU

M	M	M	M
M	M	M	M
M	M	M	M
M	M	M	M

M = OMAUMINISTELI

Omunamibia keshe e li kombada yeedula o-35 ota dulu okukonga omhito yokuninga omupresidende. Omupresidende oha kala ko koshipundi oule weedula 5, nota dulu okuhoololulwa onga omupresidende oikando ivali aike.

Omupresidende oku na okuana kutya ota ka kwatela mo nokuamena efinamhangon ga oveta ya shiya ko yoRepublika yaNamibia.

Omupresidende oha hoolola Omupedupresidende waye, Ominista Ong-hulunhu, Eeminista novanambelewa vali vamwe ovo vakula vepangelo. Omupresidende ota dulu yoo okuhoolola Omupeduminista Omukulunhu, ashike osho osha hanga kehalo laye. Omupresidende ota tula po yoo vali ouministeli noikandjo ya yooloka yepangelo opo i dule okutakamifa inakuwanifwa yepangelo.

Keshe onghatu tai katukwa kOmupresidende otai dulu okutalululwa nokulundululwa kOmutumba wOpashiwana, ngeenge oilyo yOmutumba wOpashiwana ya pitilila (2/3) oshitiyali shoshititatu oy i udite kutya sha pumbiwa. Omutumba wOpashiwana otau dulu yoo okukufa Omupresidende moilonga tashi pitile momahoololo omo oilyo i dulife peepelesenda (2/3) oshitiyali shoshititatu ngeenge Omupresidende ite liufa kEfinamhangon ile eeveta dimwe ile e na ondjo menyono la nyaya keonga. Eshi osho oshitopolwa osho tashi kwashilipaleke eyeleko nawa eenghono pokati koshitaiendifi shoilonga yepangelo noshitaitotiveta.

Okabinate

Okabinate ongudu yovanambelewa vepangelo omo mwa kwatelwa Omupresidende, Omupedupresidende, Ominista Onghulunhu, Omupeduminista Onghulunhu, Eeminista doikandjo aishe yepangelo.

Oilonga yoKabinate oyo okuwilika oilonga yepangelo moikandjo i lili noku lili noku ninga omatokolo e na sha neemhangon depangelo.

OSHITAITOTIVETA

Omutumba wOpashiwana

Omutumba wOpashiwana ou na eenghono dokuninga eeveta daNamibia. Oilyo yomutumba wOpashiwana oi na okukalela po ovanhu aveshe vaNamibia. Omatokolo avo oku na okuwilikwa kEfinamhango, kouwa woshiwana nosho yo komaliudo avo vene.

Omutumba wopashiwana ou na oilyo ili 96 oyo hai hoololwa kovanhu keshe konima yeedula 5. Ovakwashiwana ohava hoolola eengudu dopapolitika odo va hala okuhoolola. Doo eengudu dopapolitika tadi hoolola nee oilyo yado ei tai ke va kalela po momutumba wopashiwana.

Omupresidente oku na eenghono dokuhoolola ovanhu va-8 va wedwa po ovo ve na owino, ounongo ile ve na oinakuwanifwa yonhumba opo va ninge oilyo yomutumba wopashiwana. Ovahoololwa ava kave na nande oufemba wokuhoolola ngeenge pe na omahoololo momutumba wopashiwana.

Ngaashi naanaa omupresidente, noilyo aishe yomutumba wopashiwana oi na okuana kutya yoo otai ka kwatela po nokuamenena po finamhango lohilongo.

Oilyo yomutumba wopashiwana oi li onga ovapiya voshiwana sha-Namibia. Ova teeelwa ve lihumbate nomalihumbato e na onghushu yopaunhu, na kave na okuninga nande oinima opo ve liyambapaleke vo vene inashi yukila ko ile ngeno ve likaleke kokule novanhu.

Oyoongalele yomutumba wopashiwana oi na okukala ya mangulukila oshiwana.


Olaata yOpashiwana

Olaata yOpashiwana ohai vatele Omutumba wopashiwana moilonga yokuninga eeveta.

Olaata yopaiwana oi na oilyo 3 ya kalela po oshitukulwahoololo keshe moNamibia. Ovakalimo voshitukulwahoololo keshe moNamibia ohava hoolola moshitukulwa shavo ovanhu ovo tave va kalele po kelelo lolaata yoshitukukwa shavo. Olaata yoshitukulwa oyo nee hai hoolola vatatu vomuvo va ka kalele po oshitukulwa koLaata yopashiwana oule weedula 5.

Oilonga yakula yolaata yopashiwana okuyandja omayele komutumba wopashiwana shi na sha neeveta odo tadi konaakonwa komutumba wopashiwana. Olaata yopashiwana kai na eenghono dokuninga eeveta kuvo vene, ndee ohai yandje ashike omayele komutumba wopashiwana.

OMAUMBO OPALIAMENDE



OSHTAIDIININIFIVETA

Oshitaidiininifiveta osha kwatela mo eemhangulilo adishe moNamibia. Eemhangulilo adishe ode lifikamena. Eshi otashi ti kutya, eemhangulilo ohadi shikula ashike efinamhango neeveta. Kape na nande oumwe ta dulu okulombwela omhangu nghee i na okutokola oshikoya shonhumba, mwa kwatelwa naavo vokoitai imwe yepangelo.

Omhangu yakula yashiya ko moNamibia oyo **Omhangu yo pombada mbada**. Omukulunhu womhangu ei ohau ufanwa Omupanguli Omukulunhu. Oikoya yokomhangu ei, ohai tokolwa kovapanguli va-3 ngeenge ovashona. Etokolo lomhangu ei ya shiya ko oli na okuwanifwa po keemhangu dikwao adishe nokovanhu aveshe moNamibia. Omhangu ei ya shiya ko oi na oshinakuwanifwa showina shokuninga omatokolo axuuninwa e na sha nomapulo **efinamhango**. Eshi osho oshiyelekifo sheenghono pokati koshitaidiininifiveta noitai ikwao yepangelo.

Omhangu ya shikula ko moNamibia oyoyo hai ufanwa **Omhangu yopombada**. Omuwiliki womhangu ei yopombada ohau ufana Omu-presidende-panguli.

Ope na vali **Eemhangu dimwe dopedu** omo mwa kwatelwa eemhangulilo doomagistrata. Opaliamente otai dulu okuninga eeveta dokutula po eemhangululilo dopedu lela, ngaashi eemhangulilo domomikandi. Eemhangulilo dopedu oha di ungaunga noikoya inai nyaya keonga. Eemhangulilo da tya ngaha kadi na eennghono dokuninga omatokolo momapulo e na sha nefinamhango loshilongo.

Ovapanguli aveshe vomangulilo ya shiya ko nosho yo vaai yopombada ohava ulikwa komupresidende. Ovapanguli aveshe ohava ane yoo kutya otava kalele po nokuamenene po efinamhango loshilongo onga oveta ya shiya ko yoshilongo nokuungaunga nouyuki pehe na oumbada washa ile okukengelela nokuningila po vamwe nawa.

NGHEE EEVETA HADI NINGWA

Nonande omutumba wopashiwana u na oshinakuwanifwa shakula shokuninga eeveta, oitai itatu yepangelo oi na yoo oshitukulwa moshi-longa osho.

Omutengeneki woveta oo hau ufanwa oBill. Omutengenekwaveta ohau dulu okweetwa po komupresidende, koshilyo shoKabinete ile koshilyo shOlaata yoPashiwana ile shomutumba wopashiwana.

Keshe omutengenekwa woveta ou na okuyandjwa komutumba wopashiwana opo oilyo yomutumba oyo i ning ehololo. Omutumba wopashiwana ohau dulu okukundafana omutengenekwaveta nokuninga mo omalunduluko ngeenge owa hala. Omutengenekwa ou ohau dulu yoo okutumwa kokangudumutima ka ninge omakonaakono a sheywa. Omutengenekwa ou na okuufwa koilyo ya pitilila metata loilyo aishe momutumba wopashiwana opo u ye komesho.

Omutengenekwaveta ohau tumwa nee kOlaata yopashiwana i yandje omayele. Olaata yopashiwana ohai dulu okukufa fiyo opeemwedi 3 tai konaakona ashike omutengenekwaveta wonhumba, ndee nee konima tau ningi nee omawedelepo Olaata yopashiwana, kakele Omutumba wopashiwana natango ou na yo okuhooolola natango konima eshi va uda omayele olaata yopashiwana.

Ngeenge olaata yopashiwana oi li omhinge komutengenekwaveta, nena omutengenekwaveta oo ou na okumona eefelo koilyo i dulife peepelesenda (2/3) oshitiyali shoshititatu yomutumba wopashiwana opo i ye komesho.





SHIIVA EFINAMHANGO!

SHIIVA EFINAMHANGO LOYE

Eeveta adishe odi na okushainwa kOmupresidende fimbo ina ninga eeveta doo vene. Ngeenge omupresidende okwa kala e li omhinge noveta ndee ta anye oku i shaina, nena omutumba wopashiwana ou na okuho-ololulula momutengenekwaveta oo. Ngeenge omutengenekwaveta oo owa hoololwa koilyo i fike peepelesenda omilongo (2/3) oshitiyali shoshititatu lwaapo domutumba wopashiwana, nena omupresidende ita dulu okuimba omutengenekwaveta oo u ninge oveta yoo vene.

Ngeenge omupesidende ota anye okushaina oveta, shaashi oku wete pamwe tai i moshipala efinamhango, nena eemhangulilo otadi pulwa di ninge etokolo shi na sha nepulo olo. Nongeenge omhangu oya tokola kutya oveta otai i efinamhango moshipala, nena onhotwaveta oyo itai dulu okuningwa oveta.

Eeveta adishe odo da li di li moilonga manga oshilongo inashi manguluka odi na okukala di li moilonga fiyo osheshi da kufwa po ile da lundululwa koPaliamente ile fiyo oshesi eemhangulilo da ninga etokolo kutya eeveta odo odi li omhinge nefinamhango loshilongo. Eshi osha kwatela mo eeveta domifyuululwakalo do odo nee edi handi endifwa komalelo opamifyuululwakalo.



ELELO LOPAITUKULWA NOLEEDOOLOPA

Namibia okwa tukulwa **moitukulwa** she likwatelela apa ovanhu hava kala. **Oitukulwa oyo kai na sha nomighoko**, oluvala ile ngeno oludi lovanhu vonhumba. Ovanhu voshitukulwa keshe ohava hoolola olaata yoshitukulwa shavo oyo hai ungaunga noinima i na sha noshitukulwa osho.

Ope na vali outukulwa vamwe vashona **mepangelo lopaitukulwa**. Keshe okatukulwa oke na olaata yako oyo hai hoololwa kovanhu womomudingonoko omo opo i ungaunge nokufila oshisho oipambele yoshiwana.

Ope na vali olaata yomalelo opamifyuululwakalo oyo hai yandje omayele komupresidende shi na sha nomaungaungo nelongifo ledu lokomikandi.

ELUNDULULO LEFINAMHANGO

Efinamhango otali dulu ashike okulundululwa ngeenge elundululo olo ola ufwā:

- 1) Oilyo i fike lwopeepelesenda (2/3) oshitiyali shoshititatu domutumba wopashiwana osho yo (2/3) oshitiyali shoshititatu dolaata yopashiwana ILE
- 2) Oilyo i fike lwopeepelesenda (2/3) oshitiyali shoshititatu domutumba wopashiwana osho yo eepelesenda (2/3) oshitiyali shoshititatu dOvnamibia ovo ve na okuyandja omaliudo avo shi nas ha nedilaadilo lokulundulula efinamhango osho hashi ufanwa o “lefelendum”.

Kakele kape na ou a pitikwa a ninge elunduluko mefinamhango olo tali kufa po shimwe shomoufemba wopetindi ile omamanguluko ovanhu. Omaufemba aa okwa amenenwa po kefinamhango lovaNamibia aveshe alushe fiyo aluse.


VOTE

...IN FREE AND FAIR ELECTIONS



IT'S YOUR TIME TO CHOOSE
FOR NAMIBIA

© UNTAG



LEGAL ASSISTANCE CENTRE

